



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. Utrum Cajus interroganti Judici, non obstante juramento, veritatem
aperire possit, vel debeat? [...]

urn:nbn:de:hbz:466:1-41144

in tali autem teste, ut suppono, nulla intervenit promissio, nulla que conventio; adeoque ex justitia non obligabitur.

133 Hinc sequitur, 'testem non teneri ex justitia respondere, aut jurare, se dicturum veritatem, dum interrogatur à Judice; nam Judex non imponit ipsi obligationem ju-

sticie, sed duntaxat obedientie; consequenter peccat contra obedientiam, non contra iustitiam. Quare si nolit jurare, aut respondere, puniti quidem potest tanquam inobediens, sed non tenetur ad restitutionem, seu reparationem damni reo fecuti,

CASUS XXII.

De obligatione testium Judici interroganti respondendi.

Tertius nocturno tempore occidit inimicum suum, cui comes erat Cajus, non tamen homicidii complex, jurat nihilominus Cajus Titio, se patratum homicidium non proditurum, quod cum postea innotuisset Judici, in ejus authorem inquirit.

QUÆRITUR, utrum Cajus interroganti Judici non obstante juramento, veritatem aperire possit, vel debeat?

134 **M**ultiplex in posito casu potest esse quæstio. Primo. Cum crimen est occultum, & nulla adiunt indicia publica, sed suspicio duntaxat patrati criminis,

quæritur, an si ipsi sciant authorem delicti, teneantur interroganti respondere, & de eo testari?

Secundo. Cum de crimine certo constat esse patratum, ut in casu posito de homicidio, eo quod manè repertum sit cadaver in platea: Unde Judex ex officio vult recipere de vicinis informationes, &

Tertio. Si non solum de criminе certo constet, sed etiam reus infamia laboret tanquam à se patratum delictum, cum de eo dentur præsumptiones tam vehementes, quæ faciant semiplenam aliquam probationem, quo casu quæritur, an Cajus teneatur interrogatus à Judice testimonium dare,

T si sciat

R.P. Leonardelli Soc. Jes.

si sciat nullum alium scire illud delictum præter se, maximè si jumentum accessit, factum de non prodendo Titio? Unde

135 Ad 1. Q. R. si crimen occultum sit, ut nulla publica indicia adsint, non tenetur interrogatus à Judice testificari de altero, & patetfacere criminis occultum, qui nullâ criminis infamâ laborat, et si sibi cognitum sit delictum ab eo fuisse commissum. Ita D. Th. q. 69. a. 2. Cajetan. eod. a. 2. Navar. cap. inter verba Concl. 6. n. 21. Sotus de regend. & retegend. secret. membr. 2. q. 6. Less. l. 2. c. 29. dubit. 13. aliquique communitur, & colligitur ex cap. qualiter, & quando. 2. de accusationib. Ratio est, quia id, de quo nulla adhuc est fama, censetur occultum, dum via inquisitionis proceditur: atqui Judicis potestas non se extendit ad elicienda occulta, cum maxima inde in Republica sequerentur incommoda; ipseque criminosus, quamdiu crimen est occultum, retinet adhuc justam famæ possessionem, qua absque injuria privari non potest: Unde etiamsi sub juramento praecipiat, ut dicas veritatem de eo, quod nosti, attamen non teneris, sed potes cum restrictione mentali dicere, te nescire quidquam; intelligendo tacitè, te nescire eo modo, ut tenearis patefacere, prout cum aliis notat Less. citt. cum tunc non tantum non tenearis, sed pecces manifestando, quando agi-

tur de sola punitione; & nulla præcedit infamia: imò si crimen nullo modo probari potest, illudque aperias, delinquis etiam contra iustitiam, ut probat Less. l. c. quia nullum jus habes illius patefaciendi, cùm enim probari non possit, nequit etiam puniri, ac proinde non potest ex ejus revelatione aliud sequi, quām infamia: intellige tamen semper, nisi aliquod grave malum spirituale, vel temporale alicui inde impendeat, quod commode averti non possit, nisi Superioris auctoritate, & operâ; tunc enim non est ratio famæ habenda.

Ad 2. Q. Ante testis teneatur re- 136 spondere, si Judex interroget, quando crimen est notorium, sed ignoratur author illius? Non nulli negant cum Soto l. c. dubit. 4. Adrian. quodlib. 111. Palud. putantes tunc dundaxat per inquisitionem procedendum esse, quando de authore est fama, vel certa indicia, C. cùm oporteat. 19. de accusation. cap. Inquisitionis. 21. & cap. citt. qualiter, & quando 24. eod.

Oppositum tamen meritò docent alii DD, cum Sylv. V. correp-
tio, n. 6. Navar. cap. inter verba citt.
n. 15. Less. l. c. dubit. 14. Innocent. in cap. Bonæ, 1. de elect. n. 5.
Malder. Valent. Panormitan. Imola,
&c. posse nempe Judicem generaliter inquirere de commissione
delicto; quia si Judex non posset

pro-

procedere inquirendo generaliter super aliquo delicto, manerent saepe impunita crimina non sine scandalo subditorum; neque potest quis conqueri, per hanc generalem inquisitionem sibi injuriam irrogatam esse: imo illam tota Respubl. desiderat, & praxis Tribunalium ita habet. Nec obstant cito. Canones; nam hi loquuntur de inquisitione speciali, qua inquiritur, an Petrus, v. g. vel Paulus homicidium commiserit, quod utique non licet Judici, ut docet communis DD. & colligitur ex Canonibus supradictis. Nec obest, si dicas, talem inquisitionem praebere occasionem crimina occulta revelandi contra ordinem charitatis, & Justitiae;

Nam, ut notat Less. si occulta crimina detegantur, id non provenire ex ipsa conditione interrogationis, sed ex imperitia eorum, qui interrogantur, qui nescientes jura & legem Evangelicam putant se teneri occulta pandere Judici interroganti: Verum propter tale incommodum per accidens proveniens non debet omitti inquisitio tantopere bono publico necessaria ad purgandam Rempubl. moresque reformatos, maxime cum per talem inquisitionem nulli fiat injuria, cum de nemine in particulari fiat inquisitio.

137 Sed difficultas est, an in tali casu testis, qui scit authorem deli-

cti, teneatur illum manifestare Judici interroganti in genere per modum inquisitionis generalis? Ubi. Affirmant non nulli cum Aragon. Valerio, Miranda; quia Jūdex in positō casu jus habet procedendi propter bonum commune conservandum, & jus habet testes interrogandi, qui propter bonum commune conservandum interrogati tenentur veritatem dicere, & occultum reum revelare.

Oppositum tamen, si author criminis non laboret infamia, docent alii communiter cum & apud Lessium l. 2. cap. 30. dub. 6. ubi in aliquibus casibus afferit obligationem testandi; in aliquibus negat.

Testificari tenetur subditus. Primo. Si author criminis laboret infamia delicti, vel si infamia non laboret, attamen ex tali delicto sequeretur grave damnum bono publico, ut si crimen sit perniciosum, v. g. veneficium, vel aliud, quod alia ratione, quam per Judicem averti nequit, quo casu etiam absque præcepto Judicis aliquis obligaretur denuntiare, vel testari.

Secundum. Si grave malum impen-deat alicui privato innocentis, quod aliter nequeat impediri; nam tunc etiam charitas obligat ad denun-

riandum, vel testandum, & Judex
habet auctoritatem præcipiendi.

Tertio. Si de authore delicti sit
semiplenè probatum; quia tunc
delictum jam incipit esse publi-
cum, non minùs quàm per infamiam: ergò si positâ infamia Rei
tenetur testis testimonium perhi-
bere, etiam tenetur posita semi-
plena probatione; tunc enim cessat
ratio, cur possit excusari, nempe
infamia Rei de criminis occulto.
Quibus in casibus tenetur testis le-
gitimo superiori legitimè, & juri-
dicè interroganti parere, ut tenet
communis cum S. Th. 2. 2. q. 7. a.
1. apud Laym. l. [3]. rr. 6. c. 8.
Econtra multis in casibus negat,
teneri aliquem denuntiare, vel esse
testem alterius delicti, & primò
quidem si nosti ex Confessione Sa-
cramentali.

Secundo. Si delictum alicui sub
secreto patefactum est consilii, vel
auxilii petendi gratia ad salutem
animæ, vel corporis miseri delin-
quentis; tunc enim non potest
quis denuntiare, vel suo testimo-
nio confirmare, etiamsi de authore
esset infamia, vel semiplena
probatio. Rationem dat, quia
non debet misero homini obesse,
quòd cōsilii, vel auxilii petendi
gratiā se alteri bona fide patef-
cerit: alioquin peccatores à con-
silio petendo averterentur: unde
multa mala sequi possent.

Tertio. Si author criminis non
laboret infamia, nec timeatur
damnum in futurum; tunc enim
non tenetur quis denuntiare, ne-
que testari contra eum, quando
proceditur per inquisitionem ge-
neralem, etiamsi non solus sciat,
sed etiam duo, vel tres alii, ita,
inquit, communis ferè sententia
DD. qui docent, Judicem non
posse tunc inquirere, vel si po-
test inquirere, (quod est probabi-
lius, ut patet ex dictis, & ita de
facto habet praxis) id non esse
ex eo, quòd jurisdictionem ha-
beat in authorem occultum cri-
minis, sed ut satisfaciat Reipubli-
cæ, quæ postulat, ut fiat diligens
inquisitio, ut malefactores time-
ant, & compescantur, non ta-
men postulat, ut in hoc casu re-
velentur: Et licet talis inquisitio,
inquit Lug, non possit fieri de
delinquente non infamato, ser-
vit tamen ad hoc, ut manifestentur,
si qui sunt infamati.

Quarto. Non teneris denuntia-
re, vel testificari, si ex denun-
tiatione, vel testificatione notabili
damnum tibi, tuisve immi-
neat; quia hæc officia præstare
non tenemur cum nostro dam-
no, nisi bonum publicum id ne-
cessariò postulet, ut notant etiam
Navar. cap. 25. n. 50. & Covar. qq.
præcl. c. 18.

Ad 3. Q. Quando non solum 138
de



de crimen certò constat, sed insuper Titius laborat infamia tanquam à reo patratum homicidium, vel quia contra ipsum proceditur via accusationis, an si testis videat homicidium probari non posse, eò quod vel ipse solus sciat, vel etiam simul accusator, teneatur testari, maximè si accessit juramentum de non prodendo Titio?

Respondent complures cùm Soto l. 5. q. 7. 4. 1. Azor l. 13. c. 27. dub. 2. Panormitan. Turrian. Sancio, Molina, quando testis legitimè, & juridicè interrogatur à Judice, eum respondere deberet, & teneri veritatem aperire non obstante promissione quamvis jurata, quam fecit reo non prodendi ejus crimen. Ratio est, quia privatorum pactis juri publico præjudicari non potest; est autem juris publici, ut testes examinentur de criminibus, quorum infamia reus laborat; nec juramentum obligat, cùm versatur circa objectum malum, siue rem illicitam; Judici autem juridicè interroganti veritatem negare, vel non aperire est illicitum. Excipiunt tamen, nisi notitiam criminis acceperit ex sola depositione secreti, prout suprà ex Less. notavi, & docet S. Thom. nam obligatio secreti servandi est de jure naturali; Judex autem, & quivis Superior non potest tollere jus natu-

rale; quare interrogando de crimen non vult, nec potest velle, ut testis aperiat, si in secreto accepit cum sponsione reticendi. Unde à Judice quamvis sub juramento interrogatus negare debet sibi crimen cognitum esse, ea scilicet cognitione, qua prodere possit, ac debeat, nisi forte crimen sit perniciosum in futurum, ut veneficium, conceptum propositum prodendi patriam, hominem occidendi &c. tunc enim fides data reticendi cederet in injuriam, & pernititem Reipubl. vel private personæ innocentis, proinde non obligatur, si quidem in malis promissis fides reservanda non est.

Nihilominus contra Molinam, 139 & alios citt. obligantes testem à Judice legitimè interrogatum ad veritatem aperiendam, oppositum docet de la Crux *in director, conscient. par. 1. pr. 8. n. 4.* ubi sic asserit: Si accusator habeat solum unum testem, iste, dum sibi non constat de alio conteste, tenetur sub peccato mortali dicere, se nihil scire, citatque pro se Ledesm. Bannez & alios, quibus accedit Diana p. 3. tr. 5. R. 100, qui hanc opinionem putat esse probabilem, licet affirmativam dicat esse probabiliorem. Rationem dat; quia cùm testis sciat neminem alium illud delictum à reo patratum scire, ejus testificatio nihil proficiet, nisi ad

vexandum reum, qui ex ejus depositione posset quidem torqueri, condemnari tamen non potest, quia unus testis non facit plenam probationem, etiamsi una cum teste existat accusator, ut pote qui in jure non admittitur ut testis: Igitur absque causa infamat tunc testis deliquentem, cum sciat ipse probandum non esse delictum. Id ipsum sentit Octav. Spatarius, in *praxi de modo corrig.* Regul. tr. 7. c. 8. n. 7. ubi post alia addit: Et ego aliquid interrogatus sub præcepto, & juramento super delicto, quod sciebam nullum alium nosse, nisi denuntiantem, nunquam testificari volui, etsi de yiliu, & certa scientia potuisse, quod tutâ conscientiâ fecisse reputavi, & reproto.

Tertia opinio, quam cum aliis tenent Less. l. 2. c. 30. dub. 6. citt. Villalabos, tom. 2. tr. 17. diffic. 1. Pitigianus in *praxi criminali* c. 3. fol. 166. afferit, posse testem in tali casu, cum proceditur via accusationis, testari, si velit, sed non teneri. Rationem dat Less. quia quando solus accusator, & unicus alias crimen novit, accusator non potest tunc accusare, nisi forte id necessarium fuerit ad malum impediendum, cum nequeat factis probare, nec ad condemnandum reum sufficiat accusator,

vel quod vicem accusatoris supplet, hoc est, publica fama una cum uno teste, sed requiruntur duo testes jurati præter accusatorem, vel præter id, quod supplet vices accusatoris, omni exceptione maiores; potest tamen testis testari si velit, posita accusatione, quia testando efficiet semiplenam probationem, poteritque Judex ex officio procedere contra reum, eum subjiciendo questionibus, & torturæ; expedit enim bono publico ad malefactores coercendos, ut quivis, supposita accusatione, vel aliis indicis possit de criminis testari.

Et hæc sententia, secluso juramento, magis placet; quæ confirmari potest ex Sylvest. & Diana part. 2. tr. 15. R. 63. quia quando duplex datur opinio, quarum una dicit, debere testem legitimè interrogatum veritatem aperire, etsi solus sciat, supposita accusatione; & alia negat id fieri posse, potest testis amplecti, quam voluerit: Unde sequitur posse tunc testem vel manifestare, vel occultare veritatem, si sciat, utramque opinionem esse probabilem, prout docet etiam Turrian. & alii.

Ex dictis collig. 1. Cajum in 140 nostro casu propter juramentum Titio factum se non revelatum

rum

rum homicidium, non propterea deobligari, quod minus veritatem aperiat Judici legitimè interroganti, quod tunc sit, ut notat S. Th. 1. Quando Judex est competens. 2. Si delictum Titii sit semiplenè probatum, vel per aliquem testem de viſu, vel per indicia testi æquivalentia, vel per infamiam delicti plenè probatam per duos ad minimum testes jurantes se audivisse à pluribus personis fide dignis homicidium fuisse à Titio perpetratum; quibus positis Cagus quantumvis putaverit homicidium esse occultum, tenebitur interrogatus testari contra Titium non obstante juramento; quia, ut illuprà dictum est, juramentum tamdiu obligat, quamdiu non versatur circa rem illicitam; Judici autem legitimè interroganti veritatem negare, vel non aperiare est illicitum. Si tamen Cagus sciat, aut existimet sibi soli notum esse homicidium à Titio commissum, nec ab alio posse probari, non tenebitur testari contra Titium, quantumvis aliquā infamia laboret, vel indicia existant, & præsumptiones contra Titium, ut colligitur ex dictis: imò non tantum non tenebitur, sed etiam non poterit testari ob reverentiam juramenti, quod cùm absque injuria Creatoris servari possit, debet servari; licet enim Judex præ-

viā aliquā infamia legitimè interroget Cajum, quia tamen Cagus scit, aut arbitratur, neminem alium præter se illud homicidium scire, consequenter nec posse plenè probari, poterit, imò propter juramentum factum debet non revelare homicidium à Titio commissum, quantumvis Judex sub juramento etiam interroget; nam supposita opinione probabilis Cajum non obligari testari contra Titium, & supposito juramento, quod Cagus fecit Titio, se crimen non proditurum, Judex non potest sub juramento Cajum obligare, ut testetur, & crimen occultum, quod scit probari non posse, prodat, sed tanquam si eo casu non esset superior, ejus interrogationem eludere poterit convenienti aliqua mentis restrictione.

Collig. 2. Testem non obligari testificari, si dubitet, an Judex juridicè seu juris ordine servato interroget; nam licet in dubio parendum sit Superiori, ubi manifestè peccatum non appetat, & constat, eum habere auctoritatem obligandi; in hoc tamen speciali casu, cùm dubium est de potestate Judicis, non tenetur testis obediens; nam ut notat Less. l. c. cap. 31. dub. 3. cum Cajetan. Soto, & aliis, nemo tenetur parere superiori cum gravi suo, vel alterius incommmodo, nisi constet, eum legiti-

legitimè præcipere, & habere auctoritatem obligandi; Judex enim non habet à Republ. potestatem interrogandi via inquisitionis pro libitu, sed interrogandi in certis casibus, nimirum si detur aliunde semiplena probatio, vel indicia vehementia, &c.

Collig. 3. Etsi Judex legitimè interroget circa factum, posse testimoniem, & reum negare, quando Judex procedit ex falsa præsumptione delicti, ut si interroget, an talis exierit ex hac, vel illa domo stricto gladio, poterit testimoniis negare, et si sciat, probatum hoc esse semiplena probatione, quando reus exiit quidem non tamen commisso à se homicidio, sed ob aliam causam. Item si interroget de facto, quod absque culpa patratum est, ut si ex ignorantia hominem occidisti, aut causâ necessariae defensionis, aut rem alienam abstulisti causâ justæ compensationis &c. ubi non teneris fateri te occidisse, abstulisse, &c.

etsi de te sparsa sit infamia, nec testimoniis tenetur illud testari; nam Judicis interrogatio procedet ex præsumptione commissæ culpæ, seu de occisione criminosa, secundum quam Judicis intentiōnem recte negas, factum, v. g. Titii, tibi cognitum esse, sicut & ipse Titius eodem sensu negare potest, etiam iuratus, sicut ex communi docent Laym. l. 3. tr. 6. cap. 4. & Less. l. c.

Collig. 4. Quoties quispiam à cuiusvis debiti obligatione liber est, posse rogatum à Judice de illo, id negare intelligendo intrasse, ut debitum; quia respondet ad debitam mentem Judicis interrogantis. Qua ratione qui nummos mutuo acceptos solvit, potest à Judice interrogatus de mutuo, jurare se illud non accepisse, intelligendo ita, ut teneatur illud rursus solvere,

prout docent Covar. l. 1. var.
c. 2. n. 4. Suarez l. 3. cap. 9.
n. 6. Azor, & alii.



CA-

